

宇多天皇事記 史料十一  
六

4375  
2069  
11







史料卷之十一

宇多天皇事記第六

起寬平四年正月  
月盡十二月



寬平四年壬子

正月大

丙午朔

十一日

丙辰

參議有實兼太皇太后宮大夫事

公卿補任云參議正四位上藤有實左近中

將正月十一日兼太皇太后宮大夫

明子

廿二日

丁卯

於左近陣外捺印事



廿西宮記內印條云寬平四年正月廿二日於

左近陣外捺印按不知是為何文夫

公二月小丙子朔


廿一日丙申中納言光等兼任事

公卿補任云中納言從三位源光二月廿一

日兼民部卿參議從三位藤時平右衛門督

二月廿一日兼左衛門督參議正四位上源

直民部卿左大辨越前權守二月廿一日兼



右衛門督止左大辨民部卿按直此時非左大辨說在三年

三月丙巳朔

三月小乙巳朔

三日丁未曲水宴事

管家文草三月三日同賦花時天似醉應製

并序春之暮月月之三朝天醉于花桃李盛

也我君一日之澤萬機之餘曲水雖遙遺塵

雖絕書巴字而知地勢思魏文以翫風流盖



志之所之謹上小序云爾三日春酣思曲水  
彼蒼溫克被花催煙霞遠近應同戶桃李淺  
深似勸盃乘醉和音風口緩銷憂晚景月眉  
閱帝堯姑射華顏少不用紅勻上面來  
田氏家集三日同賦花時天似醉應製春風  
何處不開花萬井皆紅映九霞步曆艱難如  
醕酌迴杓指顧似娑娑星排宿酒投銀槓雲  
出醕顏破碧沙此日絳霄陪曲水來時疑是

乘浮槎

廿二日

丙寅

勅諸國令奉幣讀經事

東大寺要錄云新記云寬平四年三月廿二

日丙申勅五畿內七道諸國各於國分定額

寺三箇日轉讀般若并奉幣境內神祇令鎮

謝疫癘是依東大寺雉恠也

按丙申宜作丙寅

是月令左中辨道真賦櫻花事

管家文草賦春夜櫻花應製紅櫻一種意無



疎向曉猶言夜未渠香倍移於仙砌後色添  
隱在故山初過風鳳女粧相似迎月龍花樹  
不如多少春情誰為惜九重深處萬機餘

四月大 甲戌朔

七日 庚辰 祈年穀奉幣事

八日 辛巳 灌佛事

廿北山抄云天慶八年六月十七日祈年穀使  
立十八日有御修法寬平四年四月七日祈

年穀八日有灌佛由依此例被行也

廿六日 己巳 官奏事

西宮記云寬平四年四月廿六日中納言已

上當日上官奏損不堪解文雖枚數多先給  
卷紙後給解文史披目錄候氣色傳仰仰旨

廿八日 辛丑 左大辨保則任參議事

公卿補任云藤保則仁和三年十一月十七  
日叙從四位上寬平三年四月十一日任左



大辨四年四月廿八日任參議辨如元按又見一

是月郡司讀奏丞一人奉仕事

北山抄郡司讀奏條云寬平四年丞一人參

仕之例云二

新羅賊來事

日本運上錄云寬平四年壬子四月新羅山賊

襲來按新羅賊以六年四月來見扶桑略記

襲來諸書之所不言也而本書獨係兩年疑有二說而並存也

五月小甲辰朔

四日丁未左衛門督時平補檢非違使別當事

公卿補任云參議從三位藤時平左衛門督

五月四日為使別當按歷代皇紀為三日大鏡裏書一代要記尊卑

分脈同

十日癸丑右大將能有始奏辨官事事

公卿補任云大納言正三位源能有右大將



五月十日始奏辦官事先例無此事

左中辨道真上類聚國史事

管家傳記云寬平四年五月十日類聚國史  
奏上先是道真奉勅修撰至是功成史二百  
卷目二卷帝王系圖三卷

管家文草云聖主命小臣分類舊史之次見

有上月子日賜菜羹之宴

全文在五  
年正月

十六日已未放神泉苑鹿鳥於叡山事

管家文草奉勅放却鹿鳥願文

寬平四年五  
月十六日

神泉苑者累代近遊之地也貞觀之始有北  
牡鹿生息相續今已成群有彼垣牆之全涯  
分豈如山藪之任野心又春氣初暄鳥聲可  
愛二三五六留在籠中嗟厚物我雖殊含情  
惟一閑思兩翅之不展譬猶六塵之難離夫  
有果有因不知不識今之禽獸前之父兄是  
故起懺悔心發菩提願禁苑之鹿呼母子而



出苑門煩籠之鳥望山林而閑籠口即遣藏  
人右近衛少將藤原朝臣滋實檢校將領放  
天台山此山者宿昔所經覽誠足以遂生况  
六時燈明一乘聲遠何物而不拔苦何生而  
不得道故捨調布一百端便求成善功德又  
童稚之日作念以為慈悲行故不傷生類即  
位之後一二年來愛見鷹鷄時勞皆養不敢  
貪鷄鳩之獲唯只助幽閑之意靜而惟則亦

復煩惱也可慙可愧可恐可畏唯願善根之  
力滅我如是等罪

廿一日甲子內供惟首任天台座主事

天台座主記云第六內供奉阿闍梨惟首法興

房寬平四年五月廿一日補任座主年六十八

十勅使右近少將藤原滋實同廿三日到來

按扶桑略記為廿七日僧官  
補任帝王編年記同本書

日本紀略康保二年二月十五日下午云以權



少僧都喜慶任天台座主少納言各申障仍  
以左近中將懷忠為勅使寬平四年惟首任  
座主之時以右少將藤滋實為使之例也

六月大 癸酉朔

十一日 癸未伊勢太神宮坤方淵有死人事

神宮雜事記云寬平四年六月十一日太神  
宮坤方淵仁男子一人水溺死亡了禰宜以  
此由申送祭使并宮司等因之忽石田山之

西腰新道作天齋內元子女王親王并祭使宮司等參

宮但齋宮者一殿之西砌仁御輿寄天九丈

殿西砌仁志察司共御被了祭使又同前也

按園太曆為十六日蓋以祭使到着之日注也

園太曆云寬平四年六月十六日太神宮坤  
方淵水弱童一人死者也依齋王并祭使從  
伊和太山西方脚造新道令參宮於九丈殿  
奉仕御被也



七月小 癸卯朔

七日 酉已 七夕御會事

本朝丈粹七夕代牛女惜曉更應製野美材  
夫七月七日靈匹佳期也仰秋河之耿瞻  
白氣之弈守夜之人以此為應登仙之語  
信而有徵今夕詔詩臣曰伉儷相親天人惟  
一易離難會今古所傷宜代牛女深惜曉更  
臣奉綸綍敢獻菊韻原夫二星適遇未叙別

緒依三之恨五夜將明頻驚涼風颯之聲  
時也香筵散粉絲縷飄空宮人懷私之願似  
面不同墨容乞巧之情隨分應異臣有一事  
非富非壽家貧親老庶不擇官云爾  
管家文草七月七日代牛女惜曉更各分一  
字應製探得程字年不再秋夜五更新知靈  
配曉來情露應別淚珠空落雲是殘粧髻未  
成恐結橋思傷鵲翅嬾催駕欲啞雞聲相逢



相失間分寸三十六旬一水程

田氏家集七月七日代牛女惜曉更各分一字應製探賜人字恠來靈匹少相因天上仙殊地上人箭漏應寬周歲會銅壺莫從一宵親銀河夜鵲填毛晚禁樹晨雞拍翅新同作星、難囓斗迴杓直指北方辰

廿五日丁卯改元慶寺年分度者修行例事

類聚三代格云太政官符應元慶寺度者受

戒後六年住寺兼修法花阿彌陀等三昧事  
右得彼寺牒偁檢案內寺家依去元慶元年  
十二月九日官符令下毗盧遮那金剛頂兩業  
度者於五大尊前每日念讀不動真言止觀  
業度者轉讀仁王般若上寺家亦從去寬平  
元年加法花金光明等經令摠讀三部經從  
爾以來件三人年分者等誠初年加法勤修  
奉誓國家一歲之後移次年人留住遊行左



右隨心昨日出乎凡鄙之鄉今日入於真如  
之界度脫未幾自由是連拔之道理事不可  
然謹檢諸寺例延曆寺十二年海印寺亦十  
二年安祥寺七年金剛峯寺六年得度之後  
不許出寺各因教法鎮護國家彼定報國救  
世之道也今此寺從去仁和二年以降所修  
法花三昧阿彌陀三昧等故僧正法印大和  
尚位遍照爲國土豐樂法界利益起大弘願

所始行也卽制花山元慶寺式云兩寺各用  
六箇之僧當十二時輪轉遞修所用之僧入  
局之後出入舉動寺置四至不許他行不指  
年限專用心願常住之人無採往來不定之  
客者望請准金剛峯寺例今年分者六箇年  
間住寺兼修件三昧法然則知恩之思無有  
懈怠護戒之心自致堅固須緣莊嚴御願之  
勤重得支持宿誓之便者左大臣宣奉勅依



請寬平四年七月廿五日

廿八日庚午相撲召合事

檮囊抄相撲條云仁壽殿東庭例寬平三七

廿召合同四七廿八

八月大壬申朔

十日辛巳於八省院始行試經事

西宮記云寬平四八十辛巳於豐樂院始行

試經事以肥後介三善清行為之勅使也按豐

樂院善家異說  
作八省院可從

政事要略引善家異說云寬平四年秋八月

有勅遍試諸宗通經者度其及第為僧時余

為勅使於八省院試之僧綱并諸宗知德五

六人為證師異問鋒起無人該通云全文在附

錄上

十四日乙酉諸社奉幣事

西宮記云寬平四年八月十四日巳四刻奉



幣諸社松尾

使左中辨菅原朝臣

賀茂上下

式部大輔平惟範

平野

左少辨源希

稻荷

右中辨源昇

午刻進發大神宮

行方

仍諸司廢務先例奉幣大神宮之時大

臣行事而今日稱障不參仍召大納言而遲

參之間召右大辨藤有穗朝臣令行事

九月大

壬寅朔

九日庚戌重陽宴事

管家文草九日侍宴群臣獻壽應製登高望

處九陽重天道人心髮不容祝盞吹花花自

笑祈音取樂樂相從祥光欲見聯三象寶祚

應知邁五龍亭育無限何以報寸丹吐出效

華封

十日辛亥重陽後朝事

管家文草重陽後朝同賦秋雁櫓聲來應製

并序重陽之後翌日之夕秋雁者月令之賓

也櫓聲者風窻之聽也觸物而感非未鏡湖



之波馳心而思只望銀漢之岸于時涼氣屢  
動夜漏頻移詩臣兩三人近習七八輩請各  
成篇以備言志云爾謹序碧紗窓下櫓聲幽  
聞說蕭二旅雁秋高計雲晴寒叫陣乍逢潮  
急曉行舟沙庭感誤松江宿月砌驚疑鏡水  
遊追惜重陽閑說處宮人恠問是渙謳出效  
是月殘菊宴事

管家文草惜殘菊各分一字應製并序黃華

之過重陽世俗謂之殘菊今之可惜非有意  
乎夫難遇易失者時也難榮易衰者物也三  
秋已暮一草獨芳自非就籬下而引絃歌繞  
蓼邊而尋筆硯何以繫流年於飛電貪晚節  
於早霜故燈燭和光貂蟬交領襲香可同含  
麝偷色不異受金酒之忘憂人之取樂九仙  
府奈此時何五天竺奈今夕何聊分一字叙  
其追歡云爾謹序寒鞭打後菊蓼孤相惜相



憐意萬殊籬脚參差吹火立曉頭再拜戴星  
趨奪情只有披沙練平價其如合浦珠此是  
殘花何恰似行年六八早霜鬚

是秋伊勢介忠臣卒事

管家文草哭田詩伯哭如考妣苦飡荼長斷  
生涯燥温俱縱不傷君傷我道非唯哭死哭  
遺孤萬金聲價難灰滅三徑貧居任草蕪自  
是春風秋月下詩人名在實應無按本集在  
七夕之後

重陽之前然未知  
何月仍姑出于此

本朝文粹紀納言延喜以後詩序云故伊州  
別駕田大夫作當代之詩匠昔為美州別駕  
秩滿歸洛見予舊草即語人曰吾始不許紀  
秀才文自我不見四五年来體製非昔可謂  
日新寬平年中田大夫卧病遂死全文在延  
喜十二年  
月二  
三代實錄云貞觀元年二月四日庚寅渤海



國客著能登國是日詔遷於加賀國安置便  
處三月十三日己巳領渤海國客使大內記  
正六位上安倍朝臣清行直講從七位下前  
田首安雄御裝進發渤海國副使周元伯頗  
閑文章詔越前權少掾從七位下島田朝臣  
忠臣假爲加賀權大掾向彼與元伯唱和以  
忠臣能屬文也十一年正月七日乙丑授左  
衛門大尉正六位上藤原朝臣清經少外記

島田朝臣忠臣並從五位下二月十六日甲  
辰從五位下行少外記島田朝臣忠臣爲因  
幡權介元慶二年十二月十一日壬申太宰  
少貳從五位下島田朝臣忠臣等奏言檀日  
宮有託宣云新羅虜船欲向我國宜爲之備  
類聚國史云元慶三年十一月廿五日庚辰  
授散位從五位下藤原朝臣貞高島田朝臣  
忠臣並從五位上



三代實錄云元慶七年四月廿一日丁巳以  
從五位上行式部少輔兼文章博士加賀權  
守管原朝臣道真權行治部大輔事從五位  
上行美濃介島田朝臣忠臣權行玄蕃頭事  
為對渤海大使裴頰故為之矣

田氏家集自詠不厭吟諷欲終年自課初知  
自性然祝著聖年三百首貞觀元年春獻年  
調三百六十首  
贊來良史半千篇齊衡三年秋製詠  
史、百四十六首學耕何

必逢元吉詩癖曾無入十全形相亦非包食

肉欲拋筆硯更何緣

基經

又云元慶五年冬大相國以拙詩草五百餘

篇貼屏風十帖仍題長句謹以謝上常嗟雅

頌聖時空收拾博偏報國功雖識骨輕無足

買恐拋石質有堪攻蓬蒿獻草任垂白行年  
五十

餘年白管蒯閑花欲奪紅曾在昌齡成帝號

不言詩上玉屏風見藤右軍新書大相府屏



風因有寄呈不厭瓦礫闢為音以總詩上相屏風故云

府恩加草聖深玉篆半行封萬戶銀鉤一字

直千金崩雲氣助凡臭目垂露光慙石燕心

春苑望花君得地莫嫌桃李共成陰

又云寬平元年十月九日御讀周易三年六

月十三日講畢博士善愛成把卷奉授別駕

忠臣侍讀拾芥抄云

拾芥抄云百官唐名抄島田忠臣撰也

江談抄云古人名唐名相通事三善清行居

逸島田忠臣達音紀長谷雄發超

十月小壬申朔

九日庚辰賜山城國荒廢地於敦仁親王事

日本紀略云醍醐天皇諱敦仁寬平元年十

二月廿八日為親王四年十月九日詔以山

城國相樂郡荒廢地四十一町二段廿步賜

親王



十一月大 辛丑朔

十二月大 辛未朔

十一日 辛巳 參議一人行神今食祭事

西宮記神今食條引延喜十九年六月廿六

日記云納言已上更不合卜食參議之中恒

佐獨合卜仍外記有世申右大臣右大臣宣

參議一人行件事乎外記申云貞觀九年十

二月仁和四年六月寬平四年十二月延喜

十五年十二月有此例

廿一日 辛卯 忠子內親王等奉為中宮修功德事

管家文草諸公主奉為中宮修功德願文 平寬

四年十二月 中宮殿下每年臘月尅三日夜

讀經禮佛當于此年四內親王運籌帷幄作

念言曰知恩報恩無貴無賤雖有殿下不容

祈年之壽何無我等可輸增竿之誠門房有

閑不敢奔月以求良藥湯沐雖富須向風而



試一燈夫寄人述志者方便門也假物成功者因緣力也我等請奉行今冬之功德將報宿世之慈悲且以隨喜且以思惟即便結構佛殿利那安置寶像金銀泥繪藥師淨土黃金如意輪白銀梵釋天白檀像四天王正殿方面中臺左右莊嚴具足種二微妙心誠在心揀蓮華峯於半三尺步不煩步縮瑠璃地於小一弓復次奉寫大雲經六卷如意輪經

轉女身經帝釋經金剛壽命經各一卷金泥字書青紺色紙譬如有名星宿麗晴天以放光無價花房排寶樹而連蒂猗序百千菩薩何故以六臂爲本尊八萬經王何故以六軸爲成數弟子我等有至心本願諸佛何爲不悉知不諦聽此時也聖朝滅罪之始殿下發心之間近就禁省後庭便閱常寧中殿雪花清淨滿虛空以供如來霜核精勤凝真實而



施禪衆南無金剛秘密大弘誓故南無方等  
無相本所說故一禮一拜半句半偈擁護我  
殿下加持我殿下雖上命中分難返烏兔於  
既往而長生寶筭願祈金玉於將來善力不  
可量福緣不可說奉翊聖朝將攀安樂大千  
世界無數衆生每各隨求皆令得道按四內  
親王者  
忠子簡子綏子爲子並  
中宮班子之所生也  
廿九日已律師益信等轉任事

東寺長者補任云律師益信十二月廿九日

任權少僧都

按又見歷代皇紀

古今集目錄云勝延寬平二年五月日任權

律師四年十二月轉正

按是不知何日轉任姑以類附此下惠吟

亦同

東大寺別當次第云傳燈大法師惠吟已寬

平四年任律師

是年大雪降事



日本紀略天慶元年十二月六日下云雪降  
一許丈按外記日記作一許尺可從故老云去寬平四年  
京中雪降三尺其後未有如此

省判事負事

本朝文粹延喜十四年善相公意見云臣伏  
案職負令大判事二人中判事二人少判事  
二人皆掌決斷人罪也然而近古以來大判  
事一負常用律學之人其外五人未必任明

法之輩焉故去寬平四年有詔省伴大判事  
一人中判事二人小判事一人唯置大小判  
事各一人然猶大判事獨用法家小判事亦  
非其人云全文在延喜十四年四月  
官職秘抄云大判事明法博士兼之此職元  
二人寬平四年省一人  
去年田租得六分內更免半分事  
政事要略云太政官符五畿內七道諸國司



應免得六分內更減半分去年田租事右得  
近江國去年十一月廿三日解備檢案內太  
政官今年十月十九日下當道諸國符備依  
今月八日詔書令天下州郡半減今年田租  
國司四分損分更免一分大都通計免五分  
狀下符諸郡既訖而今得郡司解備百姓等  
愁申云見得之戶須霑恩詔例免之色不可  
通計者國司伏加覆勘所請有理望請官裁

早被處分者左大臣宣奉勅依請諸國承知  
依宣行之寬平四年、月廿二日

### 疫癘發事

菅家文草寬平五年仁王會咒願文云去歲  
有疫徃之言上今年痛甚家二病死城外城  
中累旬累月衆生何罪遭此天刑全文在五  
年閏五月

### 賜勅書於渤海王事

和漢合運云寬平四年遣渤海勅書敏行書



之 按本書所言於他書無其證而渤海客之

來在寬平七年則賜勅書亦必在其時姑  
繫于此以  
俟明證

貞觀廿二年上令平麻步來二麻步麻步

唐書太宗本紀二十五年會只鯨天亦去歲

貞觀廿二年上令平麻步來二麻步麻步

貞觀廿二年上令平麻步來二麻步麻步

史料卷之十一 五十六 貞觀廿二年上令平麻步來二麻步麻步



